

¡BOMBA!

Con los números expuestos Campeche es menos violento, aunque Layda es un portento recortando presupuestos



K'uintsil

Miércoles 13 de mayo de 2026

CAMPECHE · YUCATÁN · QUINTANA ROO · AÑO 11 · NÚMERO 2722 · www.lajornadamaya.mx

Rusiae' meyajnaj ti'al u yilik bix u meyaj misil ku jach náachtal

Le mates máanika, u noj lu'umil Rusiae' meyajnaj ti'al u yilik bix u meyaj jump'éeel túumben chowak misil ku náachtal yéetel ku béeytal xan u ts'aabal ti' nuxi' ojiibáas nukleares, le meyaja' beeychaj tu jo'olaj k'uchuk tu xuul ts'ook mokt'aan beetchaj yéetel Estados Unidos.

U xuul u mokt'aanil New START ts'ookspaj tu winalil febrero yéetel tu p'ataj jáalk'ab tuka'atéen le ka'ap'éeel noj lu'umo'ob jaach mu'uk'an yaniko'ob yóok'olal nuklear ts'oono'ob ichil tuláakal yóok'ol kaab.

"U sisteemas misilo'obe' leit'e' maas jach mu'uk'antako'ob yaan yóok'ol kaab", tu ya'alaj u jala'achil Rusia, Vladimir Putin, tu jo'olaj u k'am u iinformeíl yóok'olal bix úuchik u yutsil meyaj Sarmat, jump'éeel balístikoo misil iinterkontinentaal (ICBM).

Jala'ach Putine', tu ya'alaj misile' ku béeytal u kuchik jump'éeel nuxi' ojiibáa maanal kantéen u mu'uk'a'anil ja'al ba'axak uláak' ts'oonil yéetel le ka béeyak u ke'etel ichil u ejeersitosil óoxiddente, ts'ooke' tu ya'alaje' Sarmate' yaan u káajsik u "séerbisyool kombaatée" aantes u ts'ookol le ja'ab je'ela'.

Jrusoil jala'ache' ts'ookili' u yáax jet'sik ka'aj yáax próobarta'ab misil tu ja'abil 2022e' de ke yaanili' u beeta'al aantes u ts'ookol le ja'abo', kex ma' ts'ooksa'al le ba'ax tukulta'ab u yáax beetchajalo'.

Pavel Podvig, ajxaak'al ichil u mola'ayil Instituto de las Naciones Unidas para la Investigación sobre el Desarme, tu tukultaj jach je'el u béeytal u beeta'al u pruebail u "noj misil" Rusia tu ja'abil 2025, kex tumen "ma' jach jelbesik ba'ax ku tukulta'al yóok'olal bix kun meyaj u fuersasil u lu'umil Rusia".

Kremline' tu ya'alaj ts'ook u ts'áak u yojéelt ti' Estados Unidose' es ke yaan u ts'onik misil, beey a'alab tumen u ajeensyail TASS.



AFP / P 27
Oochel: Ap